

ՀՈԳԵՒՈՐ ԸՆԹԵՐՑՈՒՄՆԵՐ

ՆՈՐ ՄԱՐՏԱՎՈՐԱԿՆԵՐՆԵՐ*

«ՄՐԲՈՑ ԲԱՐԵՆՈՍՈՒԹՅԱՆ» ՈՒՄՄՈՒՆՔԻ ՄԱՍԻՆ

«Նաապամբ յԵկեղեցի սուրբ՝
զթողութին մնդաց հաղորդութեամբ սրբոց»²:

Ժամանակակից կրոնական շարժումների շարք հեղեղողներ՝ հիմնականում Բողոքական եկեղեցու ճյուղավորումների, որպես կանոն, հաճախ պնդում են, թե սրբերի բարեխոսության ուսմունքը սուրբգրային չէ եւ, հետևաբար, մերժելի է:

Իսկ ի՞նչ է Սրբերի բարեխոսության ուսմունքը:

Եկեղեցին իր երկու մասով՝ Երկնային եւ Երկրավոր կամ Նաղթական եւ Զինվորյալ, մեկ մարմին է, եւ այդ մասերը բաժանված չեն, այլ կարիք ունեն իրար հետ աղոթքով³ հաղորդակցվելու. սա էլ սրբերի հետ հաղորդակցության ուսմունքն է՝ Նաղթական եկեղեցին իր բարեխոսությամբ, իսկ Զինվորյալ եկեղեցին իր աղոթքներով⁴:

Սրբերը մեռած չեն, այլ հրեշտակների նման են, «քանի որ այլևս մեռնել անգամ չեն կարող, որովհետև հրեշտակների նման են եւ Աստուծոյ որդիներ, քանի որ յարության որդիներ են: Իսկ թե՛ մեռելները յարութիւն են առնում, Մովսէսն էլ այդ գուշակեց մարեմու օրինակի մէջ, ինչպէս որ ասում է Տիրոջ մասին՝ «Աստուծոյ Աբրահամի, Աստուծոյ Իսահակի եւ Աստուծոյ Յակոբի»: Իսկ Աստուծոյ մեռելների Աստուծոյ չէ, այլ՝ ողջերի, որովհետև բոլորը նրա համար կենդանի են» (Ղուկ. Ի. 36-38):

Այս սկզբունքն իր էությունը չի հակասում սուրբգրային այն համարին, թե «մեկ Աստուծոյ կայ եւ մեկ միջնորդ Աստուծոյ եւ մարդկանց միջեւ. Յիսուս Քրիստոս մարդը» (Ա. Տիմ. Բ. 5), քանի որ համարի շարունակությունից պարզ է դառնում, թե ինչ է առաքյալը ուզում ասել. «որ Կրիստոս Իսկն որպէս փրկանք բոլորի համար՝ ի վկայութիւն իր ժամանակների» (Ա. Տիմ. Բ. 6): Ընդհանրապէս «մարդկանց աղօթից (վասն ննջեցելոց) եւ Սրբոց (ննջեցելոց եւ հրեշտակաց) բարեխոսութեան նպատակը (վասն կենդանեաց) այլ

* Սկիզբը՝ «Էջմիածին», 2012, Ա.-ԺԲ., 2013, Ա.:

2 «Ժամագիրք արքեմի», Ս. Էջմիածին, 1999, էջ 177:

3 Բ. Կորնթ. ԺԳ. 9. Եփես. Զ. 17-18. Բ. Թեառ. Ա. 11. Նակ. Ե. 14-16. Ա. Տիմ. Բ. 1. Նոմ. ԺԵ. 30-32:

4 Ա. Տէր-Միքէլեան, Նայաստանայց Ս. Եկեղեցւոյ Քրիստոնէականը, Ս. Էջմիածին, 2007, էջ 525-526. Սարգիս Գնունի, Քրիստոնէական վարդապետութիւն ըստ ուղղափառ դաստիարակութեան Նայաստանայց Ս. Եկեղեցւոյ, Վաղարշապատ, 1879, էջ 215:

է Քրիստոսի միջնորդութիւնէն, եւ համաձայն է Ս. Գրոց վարդապետութեան, զոր մերժողն դուրս է ուղղափառ Եկեղեցոյ միութենէն»⁵: Այսպէղ, անշուշտ, առաքյալը նկատի ունի Տիմոթէի քավչարար մանը, որ փրկություն բերեց աշխարհին: Այդ միջնորդը պէտք է լինի այնպիսին, որ լինի նույնական երկու կողմի՝ եւ Աստուծո՛ւ եւ մարդկանց հետ: Այդպիսին միայն Տիմոթէն է՝ Աստուծո՛ւ կարարայալ եւ մարդ կարարայալ:

Բայց սա չի նշանակում՝ Տիմոթէ, որպէս միջնորդ, որ աղոթում է մարդկանց համար, եւս միակն է: Տոգին բարեխոսում է (Տոմ. Ը. 20), շար սրբեր բարեխոս եւս մեզ համար (Բ. Կորնթ. Ա. 11) եւ այլն:

Նշենք նաեւ, որ հունարէն բնագիրը *աղոթել* բայի գործածության մի բանի ձեւեր ունի.

προσεύχῃ - Մարթ. Ե. 44, Զ. 6 եւ այլուր,

εὐχόμεαι - Բ. Կորնթ. ԺԳ. 7, 9 համարներում, Տակ. Ե. 16 -ում:

Վերջին բայական ձեւը՝ εὐχόμεαι-ը հունարէնում աղոթել իմաստից բացի ունի մեկ այլ իմաստ եւս՝ *միջամտել աղոթքով*, որը նշանակում է նաեւ *միջնորդական աղոթք*⁶: Lampe-ն այդ բառին, ի շարս մյուս իմաստների, հաղորդում է նաեւ *միջնորդական աղոթք* իմաստը: Բառարանն առանձնացնում է հետևյալ իմաստները⁷.

ա. ապրող մարդկանց աղոթք

բ. երկնքում սրբերի աղոթք

գ. հրեշտակների աղոթք:

Այս վերջինները, պարզ է, միջնորդական աղոթքի իմաստն ունեն:

Ստորեւ բերում ենք սուրբգրային այն հիմնական համարները՝ համապատասխան բացատրություններով, որոնք վկայում են, որ սրբոց հետ հաղորդակցության ուսմունքը խորք չէ Ս. Գրքին:

ա. Տոր ԽԲ. 7-9.

«Երբ Տէրը Յոբի հետ այս բաները խօսեց, Աստուած ասաց Եղիփազ Թեմնացուն. «Մեղք գործեցիր դու, նաեւ քո երկու բարեկամները, քանի որ իմ առաջ ճշմարիտ բան չասացիք, ինչպէս իմ ծառայ Յոբը: Բայց հիմա եօթը զուարակ առէ՛ք ու եօթը խոյ, գնացէ՛ք իմ ծառայ Յոբի մօտ, ու թող նա ողջակէզ անի ձեզ համար, իմ ծառայ Յոբը թող նաեւ աղօթի ձեզ համար, քանի որ, եթէ ես նկատի ունեցած չլինէի նրան, ու նրա համար չլինէր այս, ես արդարեւ կորստի մարմած կը լինէի ձեզ, որովհետեւ իմ ծառայ Յոբի մասին ճշմարիտ բաներ չասացիք»: Եղիփազ Թեմնացին, Բաղդատ Սոբեցին ու Սոփար Միմեցին գնացին ու արեցին այնպէս, ինչպէս Տէրն էր հրամայել իրենց: Եւ թողութիւն շնորհեց նրանց մեղքերին՝ յանուն Յոբի»:

Աստուծո՛ւ Ինքն է պատվիրում Տորի բարեկամներին գնալ նրա մօտ, որ նա՝ Տորը, իրենց մեղքերի թողության համար աղօթք անի: Շեշտենք, որ այս պարագային, Աստ-

⁵ Մարգիս Գնունի, Քրիստոնէական վարդապետութիւն ըստ ուղղափառ դաստնութեան Հայաստանեայց Ս. Եկեղեցոյ, էջ 216:

⁶ Անգլերէն՝ intercessory prayers, G. W. H. Lampe, *A Patristic Greek lexicon*, Oxford, 1982, էջ 584:

⁷ Անդ:

ծն պարվերով Նորին շնորհվում է քահանայական իշխանություն՝ մեղքերին թողություն փայլել: Նորը փաստորեն դառնում է միջնորդ Աստծու և իր բարեկամների միջև:

բ. Ծննդոց Դ. 10.

«Այդ ինչ արեցիր, քո եղբոր արեան կանչը երկրից բողոքում է ինձ»:

Այսպեղ ներկայացված է մի դեպք, երբ Կայենի եղբայրը, որին ինքն էր սպանել, մահվանից հետո չի գտնվում անգիպակցից կամ չգոյության վիճակում, ինչպես հաճախ պնդում են⁸, այլ գիպակցական, ավելին, նրա արյունն անգամ բողոքում է: Որքան էլ սա դիպերը որպես չափազանցում՝ հիպերբոլիկ հնար, երևույթի նշանակությունն առավել սաստկացնելու, ազդու դարձնելու նպատակով, պետք է նկատի ունենալ, որ Ս. Գիրքը նման մոտրեցումներում միշտ մնում է իրականության սահմաններում⁹: Պողոս առաքյալը Եբրայեցիներին ուղղված իր թղթում հիշատակում է Աբելի արյան մասին՝ նույնացնելով այն Աբելի անձի հետ. «Նա, թեպետև հաւարով մեռաւ, սակայն խօսում է դեռ» (Եբր. ԺԱ. 4): Այսինքն Նա՝ Աբելը, հավատով մեռավ, բայց խոսում է, և Ծննդ. Դ. 10-ից հետևում է, որ այդ խոսողը արյունն է: Իսկ սա նշանակում է, որ այսպեղ և Ծննդոցում չափազանցման՝ հիպերբոլիկ հնարի մասին չէ խոսքը:

Ավելին, Պողոս առաքյալը բացահայտ գրում է, որ խոսողը՝ Աբելի արյունը, ըստ Ծննդոցի, նույն ինքն Աբելն է. «Հաւարով էր, որ Աբելը Աստծուն աւելի լաւ գոհ մարտցեց, քան Կայենը, որով էլ վկայութիւն ստացաւ, որ արդար է. քանի որ նրա մարտցած գոհերի՝ համար քրտեց նրան վկայութիւն Աստծոց: **Նա, թեպետև հաւարով մեռաւ, սակայն խօսում է դեռ**»¹⁰:

Այս համարը ցույց է փայլաւ, որ սկսած Ս. Գիրքի առաջին էջից մինչև վերջինը՝ Աբելի արյունը «խօսում է դեռ»: Նույն թղթի մեկ այլ համար ևս փաստում է մահվանից հետո հոգիների գիպակցական գոյությունը¹¹:

Աղոթական միջնորդության օրինակ է Լուսն Կորնի օրինակը. այսպես, մինչև Մովսէսը չաղութեց, Աստված նրանց՝ Կորնիսն ու նրա համախոհներին չընդունեց, և երկիրը իր երակը չբացեց (Թ-իւր ԺԶ. 32-33):

Յովհ. Ե. 45-ում Հիսուս ասում է. «Մի՛ կարծէք, որ ես Նոր մօպ ձեզ պիտի **ամբաստանեմ**. կայ մէկը, որ որպէս **ամբաստանող** կը կանգնի ձեր դէմ՝ Մովսէսը, որի վրայ դուք յոյս էք դրել»:

Ընդգծված բառերը հունարեն բնագրի **κατηγορέω** բայի թարգմանությունն են, որը

8 Օրինակ ժամանակակից ադվենտիստները: Նրանց վարդապետության համաձայն՝ մահվանից հետո մարդու հոգին էլ է մեռնում (հոգեբնածության՝ soul-sleeping-ի վարդապետությունը):

9 Եբրայական բնագրի նշված համարում **արյուն** բառը՝ דם (dmiy, dem-ee) հոգևակի թիվ ունի: Բնականաբար, այդ կարելի է հասկանալ երկու խմաստով. թափած արյան ամեն կաթիլի համար մարդասպանը պետք է պատասխան փա, այսինքն՝ այդ խիստ երանհանգը կյանքի պահպանման յուրահատուկ պահանջ է, կամ էլ դա ակնարկ է Աբելի սերունդի մասին, որը եւս կունենար, եթե կենդանի մնար:

10 Եբր. ԺԱ. 4:

11 «Բայց դուք մօպեցել էք Սիոն լեռանը և կենդանի Աստծու քաղաքին, երկնային Երուսաղեմին, հրեշտակների բխարտը բանկներին, երկնքում գրուած անդամների հանդիսատը ժողովին, բոլորի դատարտը Աստծուն, կատարելութեան հասած արդարների հոգիներին և Յիսուսին՝ նոր ուխտի միջնորդին, և նրա արեան հեղումին, որ աւելի խօսում է, քան արիւնն Աբելի» (Եբր. ԺԲ, 23-24):

կազմված է *κατά* և *ἀγορεύω* բառերից¹², որ թարգմանվում է *դեմ+խոսել* = ընդդիմախոսել: Այդ պարծառով գրաբարն այդ բառը թարգմանել է *ընդդիմախոսել*-ի հոմանիշ *չարախոսել* բայով. «Մի՛ համարիք եթե ևս չարախոսն ինչ իցեմ զձեռք առ Տօր. զո՛յ որ չարախոսն կայ զձեռք՝ Մովսէս. յոր դուքն յուսացեալ էք»:

Այդ նույն բայը *κατηγορέω* ձևով, Նոր Կտակարանում հանդիպում ենք նաև Նայր. ԺԲ. 10 համարում. «Եւ յուայ՝ ձայն մեծ յերկնից՝ որ ասէր. Արդ եղե՛ւ՝ զօրութիւն և փրկութիւն և արքայութիւն Աստուծոյ մերոյ, և իշխանութիւն Օծելոյ նորա. զի անկան չարախոսն եղբարց մերոց, որ չարախոսէր զնոցանէ առաջի Աստուծոյ՝ զպիւ և զգիշեր»:

Բերված համարներից երկուսն է, որ Աստուծո առաջ չարախոսողներ կան՝ թե՛ հրեշտակ, թե՛ մարդ, որի մահվան մասին հիշում է Ս. Գիրքը¹³: Իսկ եթե Աստուծո առաջ խոսելու այդ սկզբունքը իրական է, ապա բնական է, որ խոսելու նյութի բովանդակությունը կարող է լինել կ'ն չար, կ'ն բարի, ուրեմն կան կ'ն չարախոսներ, կ'ն բարեխոսներ:

Օրինակ՝ **Զաքար. Ա. 12** համարից հետևում է, որ ի փարբերություն վերը բերած չարախոսության, հրեշտակները կարող են բարեխոսել մարդկանց՝ ապրողների համար. «Պարասխանեց Տրեշտակը և ասաց. «Տէ՛ր Ամենակալ, մինչև և ե՛րբ չես ողորմելու Երուսաղեմին և Յուդայի երկրի քաղաքներին, որոնց այս եօթանասուն փարի է, ինչ անպետ ևս արել»:

Այդ սկզբունքը՝ մարդկանց հոգիների բարեխոսությունը ապրողների համար, արդարապես կազմված է նաև սուրբգրային մի քանի այլ համարներում.

գ. Երեմ. ԺԵ. 1.

«Տէ՛րն ինձ ասում է. «Եթե՛ Մովսէսն ու Սամուէլն իսկ իմ դիմաց կանգնեն, ևս հոգով այդ ժողովրդի հետ չեմ լինի. այդ ժողովրդին հեռո՛ւ վանիք ինձնից, թող հեռանա՛»:

Այս համարում Երեմիա մարգարեն աղոթում է ժողովրդի համար, այսինքն՝ օրինակ է, երբ ապրողը բարեխոսում է ապրողի կամ ապրողների համար: Իսկ Տիրոջ պարասխանից պարզ է դառնում, որ ննջեցյալները՝ Մովսէսն ու Սամուէլը, կարող են «կանգնել Իր առաջ», այսինքն՝ բարեխոսել ժողովրդի համար¹⁴:

Բ. Օր. Թ. 27. Մովսէսը շնորհ է խնդրում Աստուծոց իր նախնիների անուններով՝ Աբրահամի, Իսահակի, Նակորի:

Բ. Մնաց. Զ. 12-42. Սողոմոնի աղոթքը, ուր նա Աստուծոց շնորհ է խնդրում իր հոր՝ Դավթի անունով:

Դանիել Գ. 12-13, Ժ. 55-56. Բաբելոնյան գերության մեջ նրանց համար հրեշտակներն են աղոթում:

Մեծաբան և Դազարոսի առակում Տխուս ցույց տվեց, որ անարժանների բարեխոսական միջնորդական աղոթքը Աստված չի լսում և չի ընդունում, ինչպես Աբրահամը չլսեց մեծաբան միջնորդական աղոթքն իր եղբայրների համար, իսկ այգեգործի միջնորդ-

¹² Անգլերեն՝ to harangue, to speak against. Իսկ «Greek-english lexicon to the New Testament», by the rev. Thomas Sheldon Green, London, 1976, էջ 98:

¹³ Բ. Օր. Լ.Դ. 6:

¹⁴ **Սարգիս Գնունի**, Քրիստոնեական վարդապետություն ըստ ուղղափառ դասախոսության Նախապանեայց Ս. Եկեղեցույ, Վաղարշապատ, 1879, էջ 217:

դական աղոթքը՝ անպարտդ թգնու համար, այգեպերը լսում է և խնայում¹⁵: Հայրնության գրքում Հովհաննես առաքյալը պնտավ, որ մարտիրոսները բողոքում էին Ասարծուն՝ իրենց արյան վրեժը պահանջելով¹⁶:

Հիտուս անգամ գգուշացնում է, որ չանարգենք փոքրիկներից և ոչ մեկին, որոնց հրեշտակները մշտապես պնտում են հոր երեսը, այսինքն՝ նրանք երկնքում մշտական բարեխոսական աղոթքի մեջ են¹⁷:

Այսպիսով, հաղթական եկեղեցին՝ իր պարտականություններին հավապարիմ, շարունակում է կապը ամուր և կենդանի պահել Զինվորյալ եկեղեցու հետ: հակառակ կապն էլ արքահայրող սուրբգրային բագում օրինակներ կան, երբ Զինվորյալ եկեղեցին է աղոթում հաղթական եկեղեցու համար¹⁸:

Բ. Մնաց. Զ. 42-ում Սողոմոնը խնդրում է հիշել իր հորը՝ Դավթին. «Տէր Ասարում, երես մի դարձրու քեզից օծումածից, յիշիր քո ծառայ Դավթին քո ողորմութեամբ»:

հոուք Բ. 20-ում Նոյեմին օրհնեց Բոոսին. «Օրհնեալ լինի նա Տիրոջից, որ իր գուրը չպակասեցրեց ողջերից և մեռածներից»: Այսինքն՝ Բոոսը ողորմություն էր անում ննջեցյալների և ապրողների համար:

Բ. Մակար. ԺԲ. 45-46 համարներում կարդում ենք, որ հուդա Մակաբեն. «Եթէ պարերագմում ընկածների յարության ակնկալութիւն չունենար, գուր կը լինէր մեռելների համար աղօթք մարուցելը: Նա ճիշտ էր հասկացել, որ գեղեցիկ մահով ընկածները շնորհների են արժանանում»:

(Շարունակելի)

ՂԵԴՈՆԴ ԲԱՏԱՆԱ ՄԱՅԻԼՅԱՆ

15 Ղուկ. ԺԳ. 6-9: Պողոս առաքյալը ես միջնորդական աղոթքով դիմում է Ասարծուն (Բ. Կորնթ. Ե. 20) կորնթացիների համար, որ հաշտվեն Ասարծու հետ: Երեսմիա է. 16-ում Ասարված ասում է մարգարեին, որ «մի՛ աղօթիր այդ ժողովրդի համար, դրանց համար ողորմութիւն մի՛ խնդիր և մի՛ աղաչիր»:

16 Յայրն. Զ. 9-10:

17 Ղուկ. ԺԸ. 10:

18 Ինչպես օրինակ մեր եկեղեցու հոգեհանգստյան կարգը: